

## आकाशवाणी

### खास-खास खबरां

- प्रधानमंत्री नरेन्द्र मोदी होरें आखेया जे भारत च हर चुनौती थमां पार पाने दा समर्थ ऐ ते “वंदे मातरम” दी भावना इसी होर मजबूती दिन्दी ऐ।
- लोकसभा च चुनां सुधार ते राज्यसभा च “वंदे मातरम” दी 150मीं बरेगंड पर चर्चा होग।
- राष्ट्रपति द्रौपदी मुरमू होर अज्ज नमीं दिल्ली च राष्ट्रीय दस्तकारी सम्मान भेंट करंगन।
- एम.इ.ए. आस्सेया 5मां अटल बिहारी वाजपेयी समृति व्याख्यान आयोजित करोग।
- भारत नै बिग कैटस दे संरक्षण लेई वैश्विक सहयोग दा आह्वान कीता।
- क्रिकेट च अज्ज भारत ते दक्खन-अफ्रीका बश्कार टी-20 श्रखला ओडिशा च शुरू होग।

### PM Vande Mataram

लोकसभा च राष्ट्री गीत वंदे मातरम दी 150मीं बरेगंड पर चर्चा शुरू होई। राष्ट्रीय गीत, बंकिमचंद्र चटर्जी होरें बरे 1875 च लिक्खेआ हा। चर्चा दी शुरुआत च प्रधानमंत्री नरेन्द्र मोदी होरें आखेआ जे वंदे मातरम दे मंत्र ने समूलचे देशे गी शक्ति ते प्रेरणा दित्ती ते आजादी दे आंदोलन गी ऊर्जावान बनाया। प्रधानमंत्री होरें आखेआ जे “वंदे मातरम” गी चेत्ता करना, इस सदन दे सबनें सदस्यें ते देशवासियें लेई सौभाग्य दी गल्ल ऐ। श्री मोदी होरें आखेआ जे वंदे मातरम दे 150 बरे उस म्हान ध्याऽ ते गौरव गी परतियै स्थापित करने दा मौका ऐ। प्रधानमंत्री होरें आखेआ जे वंदे मातरम ने बरे 1947 च आजादी हासल करने च बड़ी महत्वपूर्ण भूमिका निभाई ही। श्री मोदी होरें आखेआ जे वंदे मातरम ओहू शक्ति ऐ जेहड़ी लोके गी स्वतंत्रता सेनानियें दे सुक्खनें गी साकार करने लेई प्रेरित करदी ऐ। प्रधानमंत्री होरें आखेआ जे जिसलै वंदे मातरम अपनी 100मीं बरेगंड मना करदा हा, तदुं देश एमरजेन्सी करी प्रभावत हा। उनें आखेआ जे जिसलै राष्ट्रगीत दा उत्सव पूरे जोश दे कन्नै मनाया जाना चाहिदा हा, उसलै भारती संविधान दा दमन कीता गेआ ते देश पर मरी-मिटने आहलें गी जेलै च डक्की दित्ता गेआ हा। प्रधानमंत्री मोदी होरें आखेआ जे वंदे मातरम छड़ी राजनीतिक स्वतंत्रता दा मंत्र नेई ऐ, सगुआं एहू भारत गी उपनिवेशवाद दिएं बेडियें थमां मुक्त करने दा इक साधन ऐ। उनें आखेआ जे वंदे मातरम ने ज्हारें बरें थमां भारत च गहराई कन्नै जड़ां जमाइयै बैठे दे इक बचार गी परतियै जींदा कीता ऐ।

<><><><><><>

## LS-RS

अज्ज लोकसभा च चुना सुधारें बारे चर्चा होग। इस दौरान मुख् करी ध्यान- लोकतांत्रिक प्रक्रिया गी मजबूत करने ते सरबन्धी तौर-तरीकें पर होग। राज्यसभा च बी अज्ज राश्ट्रीय गीत दी 150मीं बरेगंड दे सरबन्धै च चर्चा होग।

<><><><><><>

## Prez Handicrafts Award

राश्ट्रपति द्रौपदी मुरमू होर अज्ज नमीं दिल्ली च दस्तकारियें दे क्षेत्र च खरी कारकरदगी दस्सने आहलें गी “हस्तशिल्प पुरस्कार” भेंट करगंन। एहदे च 2023 ते 2024 बरे लेई कुशल कारीगिरें गी सम्मानित कीता जाहग। कपड़ा मंत्रालय नै आखेया ऐ जे बड़ी मती प्रतिष्ठा आहले एह सम्मान- कारीगिरें दी गैर-ममूली कलात्मक छमता ते ओहदे च उंदी महारत दा सम्मान ऐ- जेहड़ा इस क्षेत्र कन्नै जुड़े दे होरनें लोकें गी बी प्रेरत करदा ऐ ते एह भारत दे सम्गोसार ते बन-सबन्नी दस्तकारी विरसे दे संरक्षण ते उनेंगी बढ़ावा देने दी सरकार दी प्रतिबद्धता गी दर्शादा ऐ। मंत्रालय नै आखेया ऐ जे कपड़ा मंत्री गिरीराज सिंह ते कपड़ा राज्यमंत्री होर बी इस पुरस्कार समारोह च शामिल होगंन।

<><><><><><>

## PM Surya Ghar

नमीं ते अक्षय ऊर्जा सरबन्धी केन्द्रीय राज्यमंत्री श्रीपद यशो नाइक होरें राज्यसभा च जानकारी दिती जे “प्रधान मंत्री सूर्य-घर” मुफ्त बिजली योजना PM SG: MBY तैहत 24 लक्ख घरें दे छत्तें पर सौर पैनल लाए गे न। 2026-27 आहले माली बरे लेई तय कीते गेदे लक्ष्य दा एह करीबन 23 इशारिया 9-6 फीसद ऐ। राज्यसभा च दिते गेदे इक लिखित परते च मंत्री होरें जानकारी दिती जे 2025-26 आहले माली बरे लेई 35 लक्ख घरें गी इस योजना तैहत आनने दा लक्ष्य हा। इस दौरान जानकारी दिती गई जे स्कीम तैहत बेहतर प्रगति होआ रदी ऐ। राश्ट्रीय पोर्टल पर 53 लक्ख 54 ज्हार दरखास्तां हासिल होइयां न। 19 लक्ख घरें दी छत्तें पर सौर पैनल लाए गे न।

<><><><><><>

## NDA Meet

राष्ट्रीय जनतांत्रिक गठबंधन एन.डी.ए. दे संसदीय दल दी अज्ज नमीं दिल्ली च बैठक होग। एह बैठक संसद पुस्तकालय भवन पी.एल.बी. दे जी.एम.सी. बाल योगी सभागार च होग। लोकसभा ते राज्यसभा दे सारे एन.डी.ए. सदस्यें गी बैठक च मौजूद रौहने दे निर्देश दिते गे न।

<><><><><><>

## India EU FTA

भारत नै यूरोपियन युनियन मुक्त बपार समझौते दी प्रगति दा जायजा लैता ते अगो दियें कारवाइयें कन्नै जुड़े दे मामलें गी सुलझाने लेई तरीकें गी तलाशेया- सोशल मीडिया दी इक पोस्ट च उद्योग ते बपार मंत्री पीयूष गोयल होरें आखेया जे यूरोपियन युनियन ते आर्थिक सुरक्षा कमीशनर हुंदे कन्नै मलाटी मगरा एह गल्ल आखी। मंत्री होरें आखेया जे भारत मुक्त बपार समझौते कन्नै जुड़े दे आपसी हित आहले मामलें पर चर्चा होई।

<><><><><><>

## MEA Vajpayee Lecture

विदेश मंत्रालय अज्ज नमीं दिल्ली च 5मां अटल बिहारी वाजपेयी स्मृति व्याख्यान आयोजित करोग। मंत्रालय नै इक व्यानै च आखेया जे सिंगापुर दे प्रधानमंत्री दे वशिष्ठ सलाहकार टी.ओ. चीन हैन बदलदी दुनिया च स्थाई सांझेदारी विशे पर व्याख्यान देगंन। एह सालाना स्मृति व्याख्यान श्रखला- दूरदर्शी ते प्रमुख राजनेता राएं दे साबका प्रधानमंत्री अटल बिहारी वाजपेयी होरें गी राष्ट्र निर्माण च उन्दे अनमुल्ले योगदान ते विदेशमंत्री ते प्रधानमंत्री दे तौर पर भारत दी विदेश नीति गी आकार देने आस्तै श्रद्धांजलि दे तौर पर आयोजित कीता जन्दा ऐ।

<><><><><><>

## Big Cat Conservation

जलायु- जंगलात ते जलवायु बदलाव सरबन्धी केन्द्रीय मंत्री भूपेन्द्र यादव होरें आखेया जे भारत दुनिया दी 7 Big Cats दी प्रजातियें ते उन्दे घर आस्तै इक स्थायी भविष्य यकीनी करने आस्तै वैश्विक हिस्सेदारी कन्नै मिलियै कम्म करना जारी रक्खोग। केन्द्रीय मंत्री यादव होरें नमीं दिल्ली च Big Cats दे संरक्षण आस्तै सहयोगी पैहल पर इक उच्च स्तरीय बैठक गी सम्बोधित करदे होई एह गल्ला आखी।

मंत्री होरें इस गल्ला पर जोर दिता जे संरक्षण मुल्यें गी रेखांकित करदे होई भारत दा नजरिया नमिये काड्डे आहली प्राकृति आधारित हल पर आधारित ऐ। उनें आखेया जे आर्थिक प्रगति गी छड़ा रिवायती नजरिए कन्नै नई सगुआ पारिस्थितिक संतुलन गी बदाने दे माध्यम कन्नै दिक्खेया जाना लोडचदा। मंत्री होरें इस गल्ला पर बी जोर दिता जे शेर-चीता- हिम तंदुए- प्यूमा ते जगुआर जनेई बिग Cats पारिस्थितिक संतुलन दे नियमक ते इस सरबन्धी तंत्र दी सेहत दे प्रहरी ना।

<><><><><><>

## China Rxn

चीन नै रुस दे राष्ट्रपति व्लादिमीर पुतिन हुंदी भारत यात्रा पर सकारात्मक प्रतिक्रिया जाहिर कीती ऐ ते इनें त्रौनें मुल्लें गी वैश्विक दक्खन दा इक महत्वपूर्ण हिस्सा दस्सेया। चीन दे विदेश मंत्रालय दे प्रवक्ता गुओ जियाकुन होरें संवाददाताएं गी दस्सेया जे चीन- रुस ते भारत दुनिया दी उभरदी अर्थ-बवस्था ना। गुओ होरें आखेया जे त्रौनें मुल्लें बश्कार सरबन्ध बनाइयै रक्खना नां छड़ा उन्दे अपने हितें दे मुजब ऐ सगुआ क्षेत्रिय ते वैश्विक शांति- सुरक्षा- स्थिरता ते खुशहाल आस्तै बी लाजमी ऐ।

<><><><><><>

## Smart India Hackathon

Smart India Hackathon दे 8में संस्करण दा आयोजन होआ रदा ऐ। इस बारे घोषणा शिक्षा मंत्रालय दी नमियें काड्डें सरबन्धी सीगे MIC आसेया कीती गेई ही। MIC इसदा आयोजन AICTE दे सहयोग कन्नै मुल्ले भरे दे 60 नोडल केन्द्रें च करा रदा ऐ। एह Smart India Hackathon कल्लै थमां शुरु होई ऐ। इस बरे दे Smart India Hackathon आस्तै 68 जहार- 766 विद्यार्थियें दियें टीमें 72 जहार 165 विचारें गी सौंपेया ऐ। इस दौरान 271 समस्याएं दा हल करोग। इस दौरान मंत्रालय- राज्य मैहकमें- PSU ते उद्योग दियें समस्याएं गी रखेया गया ऐ। इक जहार 360 टीमें 8 जहार विद्यार्थियें ते 13 सौ Mentors नै Grand Finale लेई अपनी थाहर बनाई लैती ऐ।

<><><><><><>

## IndiGo

सिविल हवाबाजी सरबन्धी केन्द्री मंत्री राम मोहन नायडू होरें आखेया ऐ जे हाल च पैदा होए दे ब्हाई यात्रा संकट ते लोके गी पेश आवारदियें दिक्कतें लेई इंडीगो गै पूरी चाल्ली जिम्मेदार ऐ- जेहड़ा अपनी जिम्मेदारियें गी नभाने च नाकाम रेहा ऐ। उनें आखेया जे एह दिक्कत- एयरलाइन दे अपने अंदरुनी बवस्था जेहदे च पायलटें ते चालक दल दे होरनें कर्मियें दी ड्यूटी लाने ते डोआरियें सरबन्धी योजनाएं च आई दियें समस्याएं कारण पैदा होई ना- कि कुसै तकनीकी खराबी दी वजह कनै। मंत्री होरें आखेया जे इस मामले च सख्त कोला सखता कारवाई कीती जाहग। उनें दसेया जे सिविल हवाबाजी सरबन्धी महानिदेशक- जारी कारण दस्सो- नोटस पर इंडीगो दी प्रतिक्रिया दी जांच करा रदे ना। मंत्री होरें इब्बी दस्सेया जे तौले गै इक अंदरुनी मूलांकन बी कीता- जेहदे नै इस चाली दे मामलें च जवाबदेही तैह करने दी बवस्था होई सकै। उनें अगो आखेया जे मजूदा सब्बनें नियमें ते दिशा-निर्देशें गी नमें सिरेया तयार कीता जाहग- जिन्दे च मुख् ध्यान- ब्हाई सेवा दा इस्तमाल करने आहले यात्रियें दी सुविधा ते अधिकारें पर केन्द्रित होग तां जे भविक्व च इस चाल्ली दा संकट पैदा नेंई होवै।

<><><><><><>

## Cricket

भारत ते दक्खन अफ्रीका बश्कार 5 मैचें दी टी-20 क्रिकेट श्रखला अज्जै थमां शुरु होआ रदी ऐ। पैहला मैच ओडिशा दे कटक स्थित बाराबती स्टेडियम च संजा 7 बजे खेडेया जाग। भारतीय कप्तान सूर्य कुमार यादव होरें दसेया जे हार्दिक पांडेया ते शुभमन गिल दवै इस श्रखला च वापसी लेई तयार ना। भारतीय कप्तान नै मैच थवां पैहले प्रैस कांफ्रेंस च दस्सेया जे टीम India नै 2024 दे टी-20 विश्व कप दे फौरन मगरा टी-20 विश्व कप दी तयारी शुरु करी दिती। दुआ मैच चंडीगढ़ दे मुल्लांपुर च त्रिया मैच धर्मशाला च- चौथा मैच लखनऊ च ते खीरला मैच अहमदाबाद च नरेन्द्र मोदी स्टेडियम च होग। भारत One Day च 2-1 दी जित्त मगरा टी-20 श्रखला च उतरौग।

<><><><><><>